

Exercitationes medicae de myrrha, locustis, jejuno Christi, Christo medico, lunaticis, paralyticis, et sale / [Johann Friedrich Moller].

Contributors

Moller, Johann Friedrich.
Major, J. D.
Universität Kiel.

Publication/Creation

Kiel : J. Reumann, 1668.

Persistent URL

<https://wellcomecollection.org/works/d8xk53h7>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

Exercitationes Medicæ

MYRRHA, LOCUSTIS,
Jejunio Christi, Christo Medico,

Lunaticis, Paralyticis, & Sale,

ad Disputandum propositæ,

P RÆSIDE

D. JOH: DANIELE MAJORE,

Anat: & Botan: Prof. P. Revmi & Sereniss.

Dni EPISCOPI LUBECENSIS Medico,

& h. t. Fac. Med. Decano,

RESPONDENTE

JOHANN FRID: MOLLERO,

Uthinenſi Hollato,

Philatro.

Habebitur Disputatio ~~22. Julij~~, in Auditorie major:
horis ab 8. matutinis.

Kiloni

Typis Joach: Reumannii, Acad. Typogr. 1668.

E. Sager
Jan 1798

John C. D. C. G.
John C. D. C. G.

John C. D. C. G.

CORONIDIS LOCO
sequuntur, & porrò sequentur
THESES
Doctrinam recens-inventæ
CHIRURGIAE INFUSORIAE
methodicè exhibentes.

Thes. I. *Chirurgia Infusoria est Ars, liquorem peculiarem per convenientia organa in apertam hominis venam, vel arteriam trajiciendi, possibilis Sanationis ergo.*

II. *Appellatur Chirurgia, ut notum, ex Graeco χείρ, seu Manus, Ἐργον, Opus; quia praxis Inventi illius consistit in operatione Manuali. Infusoria ab infundendo; Liquore videlicet, qui sanitatis obtainendæ gratiâ in Sanguinem Hominis derivatur. Ob quam translationem liquoris ad liquorem totum negotium pro in uno verbo Græcè μετάχυσις nuncupari potest.*

III. *Alias Clysmatica nova, vel Enematica Ars, Clar. D. Job: Sigism: Elsholtio, Electoris Brandenb: Medico, non minatur, qui suo tempore ac loco idem artificium seorsim ad invenit, Et paulò post editum Prodromum meum Chirurgiae Infusoriae, publicæ luci dedit. Clysmatica inquam, ἀπὸ τὴν λύσης ἢ συντηρητική, h. e. Clyster: quia inter organa illa, Artificio novo inservientia, unum est, quod constat canali oblongo, cuius orificio majori vesicula suilla, agnina, vel alia alligatur, Et circa locum ligature pertunditur, more communium Clysterum; vide, si placet,*

Pro-

Prodromum meum dictum, §. 19. nec non part. 1. Chirurgiae Inf: à Dubiis Defensæ, respons. ad Dub. 11. pag 238. & sequ. Sed &, cur missâ Clysmaticæ appellatione, semel adhibitum Chirurgiaæ Infusoria titulum, quantumvis paucò latiorem, consultò tamen retinuerim, vide ibidem, Respons. ad Dub. I. pag. 130. sequ.

IV. Generis loco est Ars, quia Chirurgia Infus: est Habitus, cum rectâ ratione effectivus, Opus aliquod post serelinquens, nimirum Sanitatem, quantum fieri potest.


V. Ars verò non totalis, ut omnia Sanitatis vel conservandæ, vel reducendæ momenta contineat; sed partialis, quia contribuendo Sanguini liquorem convenientem aliquem, vitæq; hominis consulentem, partem aliquam tantum Hepatocias constituit, & toti Salutifera Arti, tanquam integræ quid, noviter subordinatur.

VI. Subjectum in quo est vel adæquatum & principale, vel inadæquatum & minus principale.

VII. Adæquatum est, Corpus humanum vivens, ut propter cuius sanandi gratiâ Ars ista introducta est; quodq; venis & arteriis, justæ amplitudinis ac sitûs præditum, infusionem liquoris extranei tolerare potest: id quod potissimum fieri potest ac solet in pede vel brachio.

VIII. Inadæquatum est Corpus Bruti cuiuspiam; de quo, ut & de Subjectis, Chirurgiam Infus: exercentibus, Fine, Medius, Affectionibus, & Divisione totius negotii, in sequentium Disputationum Coronide agetur.





LIBER I.

EXERCITATIO I.

*De Myrrhâ, Christo à Magis oblatâ,
Matth. 2. v. II.*

§. 1.

Communis Eruditorum, nec mala opinio est, Aurum Christo Salvatori à Magis Persiæ, ut Regi, Thus, ut D E O, *Myrrham*, ut Homini, exhibitam fuisse, juxta illud *Prudentij*, hymn. ult. Cathemer.

*Regem DEU Mque annunciant
Thesaurus, & fragrans Odor
Thuris Sabæi; ac Myrrbeus
Pulvis sepulcrum prædocet.*

Ex quibus *Myrrha* cur, quæso, sepulcrum denotat, aut mortalitatem? Ideò indubie, quia *Christus* in Carne talis futurus erat, cuius defuncti corpus, sicut aliæ Regum Orientalium, preciosissimis rebus condiri mereretur, Sapientes isti, peculiari devotione acti, *Myrrham* à suis thesauris abesse noluerunt, tanquam in Corporum Balsamatione receptissimam.

§. 2. Eaque, sicut & Aloë, & similibus, non corpora
A solùm,

solum, sed ipsæ etiam vestes persæpe & involucra pollin-
gebantur: nec inter mortuos tantum, sed vel inter vivos,
augendæ majestatis, conciliandæque perennitatis gratiâ.
Quò spectat mysticum illud, *Cantic. 4. v. 11: Odor vestium
tuorum, sicut Odor Libani;* & *Psalm. 45. v. 9: de cœlesti
Sponso Messia, convenienter scriptum est: Myrrha & Aloë Ke-
ziotb,* (vel Myrrha & Aloë abrasionum, vel Aloë abrasa-,
h. e. pulvis Agallochi vel Ligni Aloës aut paradisiaci, ab-
rasione factus; minimè verò, Myrrha, Aloë, & Cassia)
sunt vestimenta tua. Immò Nicodemum, virum piè - soli-
citum, actu contulisse magnam partem Myrræ & Aloës,
ad corpus Christi balsamandum, Aromataque Involucris
Ejus inserta tum fuisse, expressè docet *Jobannes c. 19. v. 39.*

§. 3. In *Myrra* sanè amaror quidam, & balsamica
vis, præter odorem, valdopere eminent, quorum respe-
ctu, quod tineas, vermes, putrilaginem, & corruptelam
qualemcunque prohibet, ad Condituram frequenter ad-
hibita est, & ad usum Medicum insuper facile traducta,
sic, ut etiamnum vel cruda aut nativa, vel sub diverso Me-
dicaminum, artificialiter præparatorum, Schemate non-
sine fructu usurpetur.

§. 4. *Cruda*, & prout apud MATERIARIOS emitur, ma-
sticari solet jejunè, ad palliandum fœtorem Oris, sangu-
inemque & viscera à corruptione munienda.

§. 5. *Præparatur*, vel depurando, vel lœvigando,
vel extrahendo ope spiritûs Vini, aut menstrui commodi
alterius, vel destillando. Unde, præterquam quod for-
mâ pulveris tam internè, quam externè feliciter adhibe-
tur, Theriacam Andromachi & Mithridatium, Pilulas
pesti-

pestilentiales Ruffi, Trochiscos Rhasis, variaque Unguentia & Emplastrum ingreditur, specieque Essentiæ aut Extra-cti (quò nominatissimum illud Elixir Proprietatis Paracelsi cum primis pertinet) olei item, &c. humanis usibus inservit.

§. 6. Apud Hippocratem, lib. 2. de Morb. Mulierum, (sect. 5. Oper. pag. 232.) suffitus ex Cassiâ, Cinnamomo, & Myrrhâ, contra Uteri imbecillitatem commendatur; qualium adhuc frequentissimus usus est; cui adde novissime etiam hunc, quod ad exornandum Inventum Chirurgiæ meæ Infusoriæ Myrrham haut parum profuturam Excessit: Dnus D. Job: Daniel Horstius, sub finem Epistolici sui, de dictâ Chirurgiâ, judicii, suspicatur, h. e. Tincturam Auri, ex spiritu Vini, Thure & Myrrbâ imprægnato, factam, ægrotantium Venæ posse injici: opinione Nierembergi ad ductus, qui putat, in tribus donis Magorum, Christo oblatis, latere summum quoddam & excellens vitæ pharmatum; ob Myrrham præcipue, quæ, ut dictum est, putredini resistit, & roborat. *It proinde (verba laudati Horstij sunt) quidam Veterum putarint, Christo fatigato in Cruce vimum Myrratum fuisse, confortationis gratiâ, exhibitum, ut diu sius nempe cruciatus pateretur.*

§. 7. Cujusmodi *Vina Myrrata* verò eadem non erant cum *Myrrbinis*. Ista enim amara, hæc dulcissima existebant, & à μύρῳ potius, h. e. unguentum, quo vina per luxum condiebantur, dicta, quam à Myrrhâ Troglodyticâ; ut ex D. Tb: Bartolino pereruditè monet Cl. D. Sachsis in Ampelographiâ, pag. 359. Vide etiam de Murrhinis, vel Myrrhinis Plinium lib. 14. c. 13. & Taubmannum,

(not. ad *Planti Pseudol.* 2. 4. 51.) qui Murrhinam potionem planè divinam, & à Græcis Nectar vocatam, laudat: ipsaque, in quibus Nectareæ ejusmodi potiones administrabantur, *Vasa*, dicebantur *Myrrhina*, ex Crystallo, ut videtur, facta, vix autem Porcellanis modernis accensenda; quorum precium sanè adeò ingens erat, ut *Petronius Trullam Myrrhinam* habuerit, trecentis sestertiis, h. e. XV. Millibus Carolinis, emptam, quam verò moriens confregerit, ne eâ Nero potiretur, ut ex *Plinio* refert *Meurus* cap. 8. de Luxu Roman. invexitque talia primùm in Urbem Pompejus M. in triumpho, quem de Piratis duxit, ut *Polydorus Vergilius* lib. 2. de Rer. Invent. cap. 22. testatur.

§. 8. Nec minùs tamen ipsam *Myrrham* quoque, toties à nobis dictam, luxūs ergò cæteroquin ad Crines adhibitam fuisse, constat ex hoc *Propriety* (lib. 1. eleg. 2. v. 3.)

Aut quid Oronthaea crines perfundere Myrrham? h. e. Oleo vel Unguento myrrhato, ut arbitror; vix autem Myrrham crudā aut nativā, dum quantumvis adhuc liquida est: qualis antiquitus *Stacte* vocabatur; eratque præstantissima. Unde Anus apud *Plautum* (Curcul. 1. 2. 6.) Vinum ita compellat:

Tu mibi Stacte, tu Cinnamomum, tu Rosa,

Tu Crocum & Casiae, tu Bdellium. —

confer identidem *Plinium* lib. 12. c. 15.

§. 9. Et sicut Inunctio Capitis, ad cultum religiosum & sacros ritus primùm spectans, sic balsamatio etiam vestium, de quâ superiùs (§. 2.) actum est, facile posteà ad abusum trahebatur; præsertim apud Mulieres, quarum,

rum, circa Odores & Unguenta, luxuriam longè maximum his verbis notat *Clemens Alexandrinus* lib. 2. paedagogi, cap. 8: *Atque eae quidem & sua vestimenta, & uestes stragulas, domosque suas suffumigant & adspergunt: atque adeò vel ipsas propemodum matulas olere cogunt unguenti deliciæ.* Confer *Gregorium Nyssenum*, homil. 3. in *Cant. Cantic. Claudianum* lib. 2. in *Eutrop.* v. 335. & *Martialem* lib. 2. epigr. 16.

§. 10. Hodie Vestimentis Suaveolentia his ferè modis conciliatur: Vel reponuntur in Scrinium, ex Ligno Cedrino, Cupressino, Sassafras, aut alio odorato factum: vel ipsis apponitur aut interponitur Lavendula, Iris, Cypurus, Chamomilla, Rosmarinus, Stæchas, aut Sacculus vel pulvillus ex his & similibus paratus: vel eadem plicis insuuntur: vel uestes ipsæ suffitu accensarum specierum suavefragantium perfumantur: vel pulveribus Cypriis & moschatis, ut Crines communiter, adsperguntur: vel Aquâ quapiam d' Angelo, di Muschio, &c. Italis dictâ, Damascenâ, aut odoriferâ aliâ, leniter hinc inde irrorantur: velenique unguentis, oleis, aut balsamis, moscho item, Zibetho, Ambrâ, Ladano, &c. fricantur, ac profundissimè subiguntur: quò spectant imprimis *Chirothecæ omnium optimæ*, quas ex pelle Capreoli mundati factas æstivo tempore, per plusculos ejus dies videlicet, Jasmini, Aurantiorum, aliorumq; odore affatim imbutas, & penè maceratas, Româ accipimus, sub titulo *alla Frangipane*; nec non similes alias ex Hispaniâ, egregiè pariter conditæ, in selectioribus deliciis habemus.

EXERCITATIO II.

De Locustis, Cibo Jobannis Baptiste in deserto:
Mattb. 3. v. 4. & Marc. 1. v. 6.

§. I.

Duae sunt partes maximè palmares Medicinæ: una, quæ directè de conservatione præsentis, altera, quæ de restitutione amissæ Sanitatis agit. Conservandæ varia media sunt; & inter illa Cibus. De Cibo varia notantur; imprimis verò hæc: Delectus certi Generis, Quantitas, Qualitas, Forma externa, Tempus, & Ordo assumendi. Ex quibus de Cibo *Jobannis Eremitæ* sigillatim jam quæruntur, cujusnam formæ ac præsertim generis fuerit? An crudus vel præparatus? an Vegetabile quid, vel Animale? Fit verò in Textu *Mattbæi* duplicitis cibi mentio, *Locistarum* & *Mellis Sylvæstris*.

§. 2. De Melle nemo ambigit, cibatui esse convenientissimum, tām ratione virium, quām saporis; quamvis & Mella amara dari, *Carolus Avantius Rhodiginus* (notis ad Cœnam Fieræ p. m. 64.) annotet. Sed de Locustis tantum quæritur, quid per has intelligatur, quia vox hæc non minùs tenellas & annuas arborum summitates, uti penes nos sunt Sambuci, Juniperi, Abietis &c: quām Insectorum quasdam species, cicadis similes, Heuschrecken Germanicè, denotat.

§. 3. Quarum vel solom nomen ut multi reformidant; sic *Jobannem* in deserto *Locustas*, animalia, comedisse, ali-

se, aliqui inter absurdissima reponunt, & succida ista arborum cacuminula, quæ Græcis ἄνηα, ἀνέσματα dicuntur; item ἔγκειδες, h. e. dulciaria ex melle, aut bellaria; vel etiam ἀχειδες seu pyra sylv: substituunt; quò etiam inclinare video Paulinum, vitum Consularem, dum in carmine suo, quod de Johanne Bapt: conscripsit, v. 234. ita canit:

*Præbebant victimum facilem sylvestria mella,
Pomaque, & incultis enata caulis herbæ,
Arentemque sitim decurrens unda levabat.*

§. 4. Immò planè per ξαξίδας, h. e. squillas, cancri marini genus, nonnulli præsentem locum Matthæi interpretari malunt, quod prorsus inconveniens est, cum & desertum propè Jordanem procul à mari remotum, nec Johanni vel instrumenta ad piscandum, vel animus ad captandas gulæ delicias, adfuerint; ut taceam, quod juxta Bochartum (part. 2. Hierozoici lib. 4. c. 7. p. 489.) *Locustas marinas*, vel *squillas*, à Græcis non ξαξίδας vocari, sed ξαξίδες, notandum sit; unde Germanicè *Krabben* appellantur, præsertim minor earum species, in his oris littoris Balthici frequentissima, esuque grata. Beza ad præsentem Matthæi locum: *Unde verò, ait, Squille in Jordane, quum præsertim in mare non influat, sed arenis absorbeatur?*

§. 5. Et quantum ad reliqua imprimis nomina, quæ substituuntur, pariter notandum, citra necessitatem id fieri. Quid enim absurdi, Johannem Locustis, Insecti generre, victasle? Fuerunt enim illarum species quatuor, nominatim Arbe, Selam, Chargol, Chagab, Judæis expressè inter cibos concessæ, ut videre est Levit. II. v. 22. de quo loco

loco Bochartus part. i. Hieroz. lib. i. c. 9. p. 69. pronunciat, & multis locustarum nominibus, quæ in Mose & Prophetis reperire est, ne unum quidem esse, quod certâ ratione non nitatur.

§. 6. Neque Judæi tantum, sed aliæ gentes quoque *Locustas* (Animalia) fumo videlicet induratas, Sale conditas, aut aliâ ratione præparatas, familiariter comedenterunt: e. g. *Aethiopes*, docente Plinio lib. 6. c. 30. *Parthi*, (vide eundem l. ii. c. 29.) & *Arabes*, qui elixas, vel ad Solem exsiccatas, & in farinam tusas usurpant, ut ex Joh. Leone notat Cl. D. Sachsius lib. 2. Gammarolog. sect. i. cap. 1. p. m. 550. De quibus, ut & *Libyæ* populis, pariter ἀνεύδοΦάγοις, *Ægyptiis* item, imò *Græcis*, sufficienti Autorum suffragio cultum lege Bochartum ante-dictum part. 2. l. d. ubi putat, *locustas Jobanni* forsan oblatas fuisse ab iis, qui ipsum attentiùs audiebant: Vide insuper *Ursinum* lib. 4. Miscell. Sacr. c. 7. pag. 165. & adde Nierembergum, qui, quomodo, ut esui aptæ fiant, ab Orientalibus præparentur, item, quale nutrimentum præbeant, & quomodo magnâ copiâ capiantur, libro de Miraculosis Terræ Sanctæ, c. 100. declarat.

§. 7. Uratislaviæ vidi puerum rusticum, qui suetè valdopere, & sine noxâ, tempore Veris, Scarabæos comedebat, & sic fiebat illorum sepulcrum quasi ambulans. Epigrammata quædam, & quasi Epitaphia, in manus *Locustæ* scripta, vide apud *Licerum* lib. 2. de Lucern. veter. c. 57.

EXER-

EXERCITATIO III.

De Jejunio Christi Quadragesimali,
Mattb. 4. v. 2. & Luc. 4. v. 2.

§. 1.

Jejunii, moderatè & scopo bono suscepti, magnæ utilitates sunt tām in disciplinā morali & sacrâ, quām Regimine sanitatis; quas verò recensere hīc citra institutum est. De Termino tantūm quæritur, qualis admitti soleat à Medicis? vel pressius: an memorabile istud Jejunium *Christi* quadragesimale, quod ex *Hug. Grotio*: (notis ad Matth. 4. v. 2.) rectissimè possumus Niniviticum appellare, supernaturale fuerit, vel naturale adeò, ut salyā valetudine aut vitā in aliis etiam hominibus locum habere possit?

§. 2. Quo in negocio mordicūs negare nolo, Jejunium dictum fuisse miraculosum, cum videam, *Andr. Prücknerum* (in Vindiciis hujus loci) aliosque Viros gravissimos eò inclinare; & ratio quoq; sufficiens id probet: exinde tamen non sequitur, quia Jejunium istud in *Christo* in tot dies fuit sine dubio à causā plusquam humanā profectum, ergò homines reliquos ex naturalibus etiam causis, nullatenus à Cibo & Potu diu abstinere posse: quin potius certum est, aliquos eorum, quorum Saluberrima constitutio cum Transpiratione Corporis fortè nulla vel minimā conjuncta extitit, abstinentiam ob alias atque alias causas à cibo ac potu satis diu, ac interdum sine noxā ac tādio, perferre potuisse.

§. 3. Cujusmodi Exempla varia ab autoribus re-

censentur; nominatim à Casp. Conrado, Medico quondam & Poëta Silesiæ eximio, in Problemate Physico-Medico, Basileæ solenniter à se edito; *Possitne homo aliquot annis sine Cibo vivere?* Job. Henr. Ursino vol. 2. Anal. sacr. lib. 3. cap. 19. Phil. Jacobo Sachs, Gammarolog. cap. 19. pag. 444. Fortunio Liceto in Tractatu, de iis, qui diu vinunt sine Alimento; item in altero, de Feris altricis animæ inscripto: Job. Rhodio non minùs cent. 2. observ. med. 54. ac Casp. Schottto, l. 3. Phys: Cur: c. 14. Sed brevitatis ergò placet, historias non recoquere, & ex iis potius Tempora tantum, h.e. Dies, Menses & Annos fideliter ac nudè recensere, insertis pauculis, quæ per studium nostrum addita sunt, ut summatim pateat, quo usq; Jejunia Hominum unquam ultra communem mensuram, (Naturaliter tamen) fuerint extensa.

§. 4. *Jejunium triduanum brevissimum* videtur: sed vix tolerabile amplius erat illis, qui aliunde profecti, Christo docenti prope Mare Galilææ auscultaverant, nisi ante abitum cibo prius reficerentur, ipso Salvatore asseverante, Matth. 15. v. 32. cui tamen adde abstinentiam triduanam Saræ Tob. 3. v. 10. Alias à septimo die cum inediâ transacto, periculum mortis demum inferri, Hippocratis effatum est, libro de Carnibus, circa finem, his verbis: *Quod verò Hominis vita septem dierum numero circumscrribatur, hoc quoq; manifestum est.* Pleriq; quidem ex his, qui septem diebus nibil edere aut bibere volunt, in his moriuntur: quod si quieos superaverint, nihilominus tamen moriuntur. Quam sententiam verò Plinius lib. II. cap. ult. expressè impugnat, durasse & ultra undecimum plerosq; certum esse scribens. De jejunio novem dierum vide Rhodium l. d. decem dierum, eundem ibid. obs. 55. undecim dierum; vide Eundem l. d. obs. 54. & Sach-

Sachsum l. antè d. qui exemplum id ex *Salâ* habent; iis. que imprimis adde *Tulpum*, qui tragicum exemplum memorat de septem Britannis, ex insulâ Christophorianâ navigantibus, sed tempestate abreptis, & à cibo omni, & hominum auxilio, usque ad *dîem undecimum* miserè dimotis, ut coacti tandem fuerint, jactâ prius aleâ, unum ex se jugulare, ejusque carne & sanguine famem ac sitim atrocissimam sedare; lib. i. obs. Med. cap. 43. Porrò de *Inediâ viginti dierum* vide *Rhodium*, *Sachsum*, *Ursinum*, locis pauciò antè (§. 3. videlicet) citatis: Virginemque, quæ propter fratres prodigos, sibi pârum affectos, desperatione coacta, *viginti duos dies* integros sine cibo & potu omnino permanens, cadaveri similis fuerit facta, sed posteà comedere rursus incipiens, & bibere, convaluerit, suomet testimonio rem probat *Dominicus Panarolus*, Medicus Rom. sect. 5. observ. 20. pag. 157. De *jejunio triginta dierum* vide *Schottum* (lib. 3.) & *Ursinum*.

§. 5. Ad *quadraginta* denique *dies* postquam *Jejunium Christi* se extendit, vel sesqui-mensem; similem, aut æquè miraculosam inediā, *Moses* (Deuteron. 9. v. 9. & 18. cap. 10. v. 10.) & *Elias* (1. Reg. 19. v. 8.) in monte Horeb tolerarunt, assistente sine dubio ipsis peculiari gratiâ Divinâ; idemq; nostro ævo imitari, sed frustra, instituit Doctor quidam Salisburiensis in Angliâ, de quo *Cl. Olaus Borrichius*, (Bartholin. cent. 4. epist. med. 92. pag. 536.) refert, quod dûm infortunato conatu quadraginta dierum inediā, quâ *Salvator noster* inclaruit, iniislet, decimo septimo abstinentiæ die succumbens, hæreditibus id negocii reliquerit,

ut sua marmoreo signarent fata sepulcro.

Nihilominus *Menses duos jejunio consumtos à quadam muliere antiquis, Conradus supra (§. 3.) citatus, & Schottus lib. 3. Phys. Cur. cap. 14. p. 464. refert; immò menses sex à quodam rustico, Ursinus.*

§. 6. Tum, quod multò magis mirum, ad integrō etiam *Annos*, distinctumq; eorum numerum est de ventum. De Laurā enim Narducciā, *annum unum jejunante, Sachsius* refert. Puella quædam alia per *sesqui annum* famen tulit, *Ursino & Schotto* (l. 3.) allegante. De *Biennio* idem, *Sachsiius, Schottus* (lib. 3.) & *Conradus* memorat. Deque *triennio*, *Conradus* exempla quinque, *Ursinus, Schottus* l. d. & *Sachsiius* unum & alterum habent; pluraque de triduano Græcorum, Ægyptiorum, & aliorum, jejunio vide, si placet, exempla apud *Schottum* l. 3. c. 14. §. 2. pag. 468. *Quadriennium* item *Sachsiius, Schottus* lib. 3. & *Conradus*. *Septem, Octo, Novem annos* identidem *Sachsiius*, sicut *novennum*, etiam *Conradus*. Tum & jejuniū *decennio* transactum, *Sachsiius, & Schottus* (l. 1. & 3. Phys. Cur.) aliud, *undecim annorum*, *Schottus* idem; porrò aliud ad *tredecim annos* ferè, *Idem Sachsiius*, atque aliud ad *quindecim idem Schottus* lib. 3. & *Conradus*; tūm ad *sedecim quoque Sachsiius*, & ad *octodecim Idem & Schottus*; ac *viginti duos, Conradus*; & ad *viginti sex Sachsiius* iterum; adque *triginta*, immò *quadraginta* idem cum *Conrado & Schotto* l. 3. memorat.

§. 7. Longissimum denique, & maximè stupendum est, quod *Ursinus* ex *Mendoza* (modò non fortè mendaci) refert, fuisse Venetiis hominem, præclaris ortum natibus, qui integrō *quadraginta & sex annos* jejonus absolvit, cum esset frigidā corporis habitudine, crassaque putuita, (sic verba sonant) & incoctā nutritione, obstructisque membrorum meatibus.

§. 8.

§. 8. In causas abstinentiarum talismodi & diuturnæ adeò in tot individuis, toleratæ inediæ viritim inquirere non vacat; sed sufficit, genera illarum strictim explicare. Ex quibus si supra-naturales quædam cause in subjectis aliquibus adfuerint, Divina præsertim, in Christo, Moysi, Eliâ; de omnibus tamen propterea id non est asserendum. Sicut è contrario neque de omnibus putandum est, Dolum tantùm irrepsisse, & homines diu jejunare creditos, clàm alimenta accepisse; vel, Inediā diuturnam naturalibus mediis, sed ratione quadam occultâ, à Diabolo fuisse procuratam, quale quid fieri posse citatus Schottus lib. i. Phys. Cur. c. 30. & actu factum esse, in puellâ quadam, per 70. dies præpostorè jejunante redditâ, idem lib. 3. c. 14. §. 3. connotat; simileque quid exprobratum fuisse Iohunio Iohannis baptistæ à Judæis, videre est apud Matthæum c. II. v. 18.

§. 9. Naturales tamen etiam Jejunii diuturni cause diversæ dari possunt, eò faciliùs effectum hunc producentes, quò plures earum in Individuo aliquo concurrerint; si-
ve eadē sint Naturales καὶ ἐξοχὴν & in specie sic dictæ, ac perfectivæ; sive Morbosæ, h. e. per se quidem etiam naturales, quatenus tamen ita quibusdam insunt, ut ad destructionem eorum tendant, nisi vel elimentur, vel refrænentur, præter naturales à Medicis vocatæ: sive denique Neutræ, h. e. quæ nunc servandi, nunc labefactandi humani corporis vim habent.

§. 10. Ad Naturales in specie dictas referuntur e. g.
(1.) Balsami Nativi abundantia, Sanguinisque & Corporis totius constitutio valdè temperata, reliquarum Temperierum quasi Regula; quæque constitutio vim ac robur

durable partibus suppeditat, sed exercitiis, inediâ, concitatiōribus animi motibus, labore, ac itineribus immuni tandem ac labefactari potest. (2.) *Balsami ejusdem* tām radicalis, & poris partium implantati, quām fluidioris, & in Sanguine, succoque nerveo fundati, peculiaris aliqua fixitas aut tenacitas, ut non nisi tardissimè sive per motum & calorem, sive per inediā, aut alias causas absūmatur, habeatque propemodum se instar Lucernarum illarum perennium, quā veterum sepulcris additæ, nemine unquam pabulum addente, inconsumente quāmplures annos, immò secula aliquot, arserunt; de quibus peculiarem tractatum scripsit *Fortunius Licetus*. (3.) *Attractio occultæ alimenti subtilissimi, ex aère petiti;* quod sive Sal quoddam Centrale, sive universale, sive ammoniacale - macrocosmicum, sive balsamicum Naturæ, per aērem, aquam, ac terram dispersum, sive quovis nomine alio quis velit indigitate, hīc quidem nobis perinde est. Ejus occultæ inspirationi & transsumptioni in corpus certè sine dubio debetur, ut aliqui solito diutiū ab alimento quovis palpabili abstineant; cuius rei exempla ex *Cælio Rhodigino & Platone*, *Casp. Schottus* (lib. 3. Phys. cur. cap. 14. §. 1. pag. 464.) infert. Hoc tantum dubii interest, quod, juxta *Sennertum*, (lib. 2. Inst. Med. part. 3. sect. 2. cap. 1. pag. 348. b.) causa non satis reddi potest, *cur paucissimi solum, atque non etiam alijs similimodo aère nutritantur*. Interim illud ipsum in brutis quibusdam ordinariâ lege Naturæ accidit, e. g. fortè *Chamæleonte*, quem toto vitæ tempore sine cibo & potu existere, & solo aēre ali, recepta opinio est, *Plin. o* jam olim approbata, lib. 8. cap. 33. *Gallinis* plerisque, dum ovis incubant: nec non *Gallinam* aliam, absq; cibo & potu post LXXX. dies vivam

vivam repartam, *Ursinus* (Vol. 2. Anal. sacr. c. 19. pag. 155.) memorat: ut taceam de *Insectis*, quorum nonnulla octo, novem, decem, undecim, immo ipsos viginti qui inque menses sine ullo alimento (perceptibili) in vita conservantur, ut recte *Job. Gödardus* admonet, annot. ad cap. 10. de Naturali Insectorum Metamorphosi, pag. 144. notumque de *Araneis* est, quod in defectu Muscarum etiam, attenuatamen sat diu in aere se sustentent. De *Viperis* quid dicam & *Serpentibus*? quae animantia in terra, tempore hyemis, maxime balsamico halitu illius imperceptibiliter aluntur? Vel de *Ranis*, quarum indubie eadem sub aquis ratio est; sicut *Cancrorum* quoq; & *Astacorum*, de quibus *Clariss. & Scientissimus Sachsius* gammarolog. cap. 19. pag. 446. & 449. videatur.

§. II. Falsum autem est, *Glires* tempore hyemis a cibo, potu, ac vigiliis cessare, & interim pingue scere nihilominus, juxta tritissimum illud *Martialis*: *Totam hibi dormitur hyems &c.* cum potius stramen, foenum, ac frumenta in horreis sat perambulent, & saepe non satis expugnari possint: Nec de *Uro* facile credo, illum intra scopulos, cryptas, aut quævis latibula alia, tota hyeme quietum recumbere, & pedes proprios lambendo, satiari, ut quosdam tradidisse, laudatus *Sachsius* l. d. (pag. 447.) memorat; cum planè aliud doceant unum cum *Cl. Oleario*, in Itinerario Muscoviae & Persiae, quivis Autores alii, qui historias Navigationum ac itinerum aliorum in loca Europæ septentrionaliora consignarunt. Sed his missis,

§. 12. *Præternaturalibus* Jejunii diuturni causis jam haec accensentur: (1.) *Copia Pituitæ concoctu difficilis*, & *Ventriculo inharentis*, ob quam Appetitus aliquandiu obli-

obliteratur; quæ ratio tamen, *Sennerti* judicio, (l. d.) non satisfacere videtur. (2.) *Calor debilis*, abundantiam humoris istius non ritè concoquentis; unde Senes, quām alii, facilius ferant inediam, minusque ciborum appetant. (3.) *Resolutio Nervorum*, circa Ventriculi orificium disperforum; unde sensus suctionis pereat, & appetitus identidem evanescat, censente *Langio* apud *Sennertum* (l. d. a.) qui difficultatem, etiam cum hāc ratione connexam, breviter & succinctè enodat. (4.) *Attractio Alimenti spurij ex interioribus partibus Corporis petiti*, nominatim *Humorum* & *Pinguedinis*.

§. 13. *Humores* quippe qualescunq; consumi interdum per Inediam diuturnam, attrahiq; à ventriculo famelico & intestinis, huic proximè connexis, parum dubii subesse patet, si quis effectum consideret, multorū jejuno succedentem, notabilem corporis extenuationem & ariduram, cum fame ac siti inexhaustâ. Quò trahi potest Observatio quoq; hæc in cato vivo, post triduanū ejus jejunium, dissecto à me, habita ante annos XII. in quo perspexi, ductum Thoracicū, chyli alias delatorem ad Cor, non succo lacteo, sed aquâ limpidâ turgere, probabili documento, Naturam Felis, in defectu alimenti familiaris, per impatientiam famis, humorē undecunque partibus abrasisse, cuius pars dein per lacteas mesaraicas, & capsulam chyliferam delata, ductum thoracicū Lymphā turgere fecerit; quamvis ratio quoque reddi possit alia, de Vasis Lymphaticis nempe, jādictæ chyli capsulæ insertis: de quâ re etiam in Historiâ meâ Anatomes Kilon. cap. cap 2. §. 17. (p. 9.) egi.

§. 14. Nec Humores solum in diuturno jejunio absumi, sed vel *Pinguedinem ipsam colligari* interdum, succedens

dens Extenuatio Corporis probare videtur identidem,
& Autores præclari assentiuntur; ex quibus seorsim vide
Tb. Bartolinum lib. i. Anat. reform. cap. 3. pag. 23. & impri-
mis *Licetum lib. 2. d. Lucernis Vet. cap. 23. pag. 95.* Non
tamen hoc ipso concludimus, Pinguedinem inediâ con-
sumtam, ferri in ventriculum, ut suetæ ibidem ciborum
familiarium digestioni subjiciatur; sed sufficit, quod veri-
similiter dispergatur ad habitum corporis, mortem, ex
enormi jejunio metuendam, utcunque retardet, sed &
ipsa tandem, magnâ sui parte, per evacuationes sive sen-
sibles, sive insensibiles eliminetur.

§. 15. *Neutræ* denique h. e. indifferentes ad ju-
vandum & nocendum, diuturnioris Jejunii causæ possunt
esse hæ circiter: (1.) *Nulla vel valde obscura Sanguinis Circulatio*; quam suspendi in aliquibus ad tempus, salvâ
eorum vitâ, & superstite interea reliquâ Temperie & par-
tium conformatio[n]e, ipsis congruente, probant ecstati ci
quidam, & illi, qui pro mortuis elati, post tertium, quar-
tum, &c. diem, ad actum secundum vitæ redierunt. I-
tem, in brutorum genere, Hirundines per brumam quasi
congelatæ repertæ; Ranæ, per Hyemem penitus quietæ;
Serpentes, &c. Hirundines tamen avolare potius in loca
terrarum calidiora, ex *Jeremiæ* cap. 8. suspicatur *Clar. Urofinus* vol. i. analect. sacr. lib. 3. cap. 6. (pag. 171.) & lepidam
historiam de *Monacho quodam* addit, qui pedi hirundinis
Schedulam affixerat. (2.) *Diaphoreos defectus*, sive ob cu-
tis densitatem, & poros corporis constrictos, sive ob par-
tium transpirabilium penuriam, & balsami nativi statum
fixiorem, caloremque Sanguinis moderatissimum, si præ-
sertim accedat (3.) *Quies Corporis*, ut id à nullis facile

motibus incalefacat. (4.) *Frequens perceptio Odorum*; quos nisi nutrire propriè, vires tamen egregiè reficere, mortalitatemque aliquandiu sufflaminare, exempla probant, præsertim antiquum illud *Democriti*, qui in agone constitutus, ne durante Festo interiret, odore panis refici se quadriduo procuravit: & recens hoc, à *Verulamio* adductum in *Sylvâ Sylvarum*, §. 934. his verbis: *Novi nobilem, qui per tres, quatuor etiam, quinque dies jejunaret, nec cibο, nec potu gustato, sed ille magno herbarum fasciculo usi solebat, cuius odore frueretur, inserebatque herbarum esculentias acris odoris, ut cæpam, allium &c similes.* (5.) *Medicamenta, famem ad longum tempus sedantia, si credendum autoribus, à Schotto (lib. i. Physic. curios. cap. 30. §. 2. pag. 142.) allegatis.* (6.) denique *Obstinatio fortis, de cibo, potu, immò Medicamentis, simpliciter vitandis. Quo verò accidit, ut homines talismodi, præposterā hác abstinentiā, fatalem horam accelerent, non prolongent: de quibus vide discursum peculiarem apud Job: Soproniū Kozak, tract. de Sale, cap. 10. sect. 15. pag. 462.*

EXERCITATIO IV.

*De Christo Medico, Matth. 4. v. 23. &c.
Ortuque Divino Medicinæ.*

§. 1.

Circa *Miracula CHRISTI*, à Sanctis Evangelii Scriptoribus recensita, hoc valdè est notatu dignum, quod pleraque eorum terminabantur in *Sanatione Aegrorum*, ut videre est, si *Matthæum* tantùm inspiciamus, ex capite ejus 4. v. 23. usque ad finem, cap. 8. v. 1. usque ad v. 18. cap. 9. toto,

9. toto, c. 12. v. 10. sequ. c. 14. v. 14. & v. 36. c. 15. v. 30. c.
 17. v. 18. c. 19. v. 2. & cap. 21. v. 14. Quæ omnia, quamvis
 miraculosa, & modo planè peculiari, vixque imitabili ef-
 fecta, attamen ad Medicinam Humanam spectant eate-
 nus, quatenus dignitas illius à tā Magno Magistro
 declaratur, tanti precii Finem Medicum, (Sanitatem
 corporis) æstimante, ut contingere eundem gratosissimè
 iteratis exemplis non dubitarit.

§. 2. Quā occasione placet, missis tantisper reli-
 quis'documentis omnibus, quæ pro dignitate & Excellentia
 Medicinæ ubertim afferri possent, unicum tantum hoc ad-
 ducere, quod veluti Orcum illius planè divinum, tā ex addu-
 ctis Matthæi, quām aliis Scripturæ locis, certoque ratio-
 cino; sic insignem aliquam Salutiferæ Artis præ omni-
 bus aliis prærogativam, efficacissimè probet: Habetque
 se hunc in modum: Quicunque (1.) Subjectum Medicinæ,
 (Hominem,) condidit, (2.) Finem ejusdem Artis, (sanitatem)
 placide tolerat, (3.) eiique benedit; (4.) Media ad consecu-
 tionem Finis necessaria aut utilia gratosissimè est largitus: (5.)
 Hominem Medicinæ descendæ, docendæ, ac exercendæ capacem
 reddidit, eiique desideria ejus implantavit: (6.) ejusdemque
 constitutionem intimè novit: (7.) Jura & effectum Sanitatis,
 Morbi, ac Mortis Humanæ manu suā potentissimè continet. (8.)
 Medici personam honorari, expressè in verbo suo mandat, &
 (9.) Medicinam Divinitus datam contestatur, (10.) can-
 demque vel exercuit ipse, (miraculose quamvis) vel (11.) exer-
 cere, aliis notanter commendavit, & (12.) moderatum Dia-
 tæ regimen hominibus præcepit; (13.) indignationem denique
 suam illis abundè declarare solet, qui fabricam Sanitatis fingi
 putant mere humanis viribus, intermissâ invocatione Numinis

Cœlestis: ille utique est Autor Medicinæ. At qui de DEO verissima sunt priora omnia: Ergò & posterius.

§. 3. *Quoad I.* enim; de eo informamur à *Mose* Genes. 2. v. 7. *Formavit Dominus DEUS Hominem de pulvere (seu limo) terræ, vitæque spiraculum in faciem ejus inspiravit, ut emergerit homo in Animam viventem;* vel, ut habet Chaldaica versio, in Spiritum loquentem. In hoc ipso (*Homine*) Medicis vita perennitatem moliuntur, non in ligno aut lapide, ut rectè *Galenus* censuit: nec in brutis ac plantis, humanâ Naturâ inferioribus, quicquid subtilitatum etiam *Laurembergius* afferat, qui (in portico *Æsculapii*) adæquatum Medicinæ subjectum, probare contendit, esse *Corpus vivens*, quia id morbis propriè dictis, & multis, quibus homo corripitur, corripiatur, similique methodo, similibusque remediis curetur: quod argumentum speciosum & ingeniosum magis est, quam verum: quia per accidens factum est, ut, postquam Medicina hominum inventa est, quoad aliquam partem usum etiam monstrarit in curâ pecudum & plantarum: multa verò in hominæ sunt, quæ remedia & methodum planè singularem possunt. Et imprimis, si disciplinarum distinctio proximè à Fine petitur, ad Medicinam veram vel ideo trahenda non est Veterinaria vel Mulomedicina, aut cultura etiam Stirpium, quia Medicina illa, quam nos Canonice in Academiis profitemur, cujusque origines ad *DEUM gloriosum* hīc transcribimus, non plantarum, non pecudum, sed hominum tantum ægrè habentium studio primùm est inventa, seculorumque successu magis magisque à posteris exornata.

§. 4. *Quoad II:* Hoc per bonam, quam vocant,
Con.

Consequentiam, potest elici ex loco Matthæi, cap. 9. v. 12: *Firmi non opus habent Medico, sed ægroti.* Nisi enim *Salva-*
tor Incolumitatem Hominum corporalem approbaret, parabolam ab hâc ad Medicinam Animæ consequendam coram Phariseis non petiisset.

§. 5. *Quoad III:* Qui benedixit hominibus, iisque rectè facientibus, præter alia bona, Vitam longam promisit, uti hoc scimus ex Decalogo; is sine dubio etiam benedixerit mediis ordinariis, ad vitæ prolongationem decentibus. Notaque hanc in rem præclara habentur exempla Biblica, *Hiskiæ Regis*, cuius vitæ DEUS ex singulari gratiâ XV. annos superaddidit; *Esaïæ 38. Asariæ* item ac *Ninivitarum*; de quibus vid. part. 1. Chirurg. meæ Infus. defensæ, resp. ad Dubium 1. §. 34. & adde exemplum *Calebi*, ex *Syracid.* 46. v. II.

§. 6. *Quoad IV.* Tota Natura humanis usibus commodisque destinata, imprimis in iis, quæ terrâ enascuntur; *Syracid.* 38. v. 4. Ex quo loco seorsim Botanicæ antiquitas & præstantia quadantenus resplendet.

§. 7. *Quoad V.* Instruxit nos DEUS quinque sensibus, ut per organa eorum, pulcerimè conformata, tanquam per portas, sensibiles rerum species efficaci diffusione sui, animum ingrediantur: instruxit nos intellectu, ut de rebus sensu perceptis, ritè, quam fieri potest, judicemus: voluntate denique, ut per hanc ad consequitionem summi Boni non minus, quam Sapientiæ veræ possessionem sensim adducamur, per vias tot, quot sunt Creaturarum species, & gradus viarum tot, quot specierum dotes, usque dum ipsam acropolin omnis perfectionis penetremus, & perceptâ cognitione rerum abundantissimâ, DEO

quam similes reddamur prout jam olim *Hippocrates*, quantumvis Ethnicus, medicum philosophum tamen, h. e. Naturæ rerum gnarum, (& quoad vitam probum) non dubitavit, *iōōθεον* appellare, in libro de decenti habitu. Confer Chir. Infus. defens: resp. ad Dub. 7. §. 14. pag. 198.

§. 8. Interim ob inexhaustam earum copiam accedit, ut naturâ duce, Novitatis & plura iñdies discendi studio trahamur; cui accedit etiam proprius amor nostri, qui efficit, ut sicut in aliis securitatem quærimus, sic sanitatis possessionem inter thesauros Mundi maximos jure merito referamus, nullusque Orbis habitati angulus propemodum sit, cñjus incolæ, quantumvis nullâ culturâ Medici, ferente casu tamen non audeant, contra varias imbecillitates corporis, hæc aut illa præsidia, tanquam usu probata, commendare & ambire officium Medici, etiamsi in Arte ipsa ne micam aut syllabam gustarint.

§. 9. *Quoad VI.* Nonne intimè nos norit, qui fecit nos? quiq; ut exstat *Mattb.* 10. v. 30. vel pilos capitis nostri numeravit? qui Renes nostros, & ipsa animi cogitata scrutatur perfectissimè? *Psal.* 7. v. 10. & *Ps.* 26. v. 2. *Jerem.* 11. v. 20. & *cap.* 20. v. 12. *Apocal.* 2. v. 23. cui non erat absconditum quoddam ossium nostrorum, cum formaremur in profundo Terræ? *Psalm.* 139. v. 15.

§. 10. *Quoad VII.* Porrò quemadmodum Figulo licet, rumpere vas, quod modo fecit, aut pro lubitu in formas has aut alias mutare; ita Morbos ac Mortem vel abatam divinitus, vel poenæ loco acceleratam, non semel in *Codice Sacro* legitimus, in genere quidem, *Sapient.* 16. v. 13. ubi DEO tribuitur potestas Vitæ & Mortis; sigillatim verò, dum idem DEUS ter opt. max. dicitur nunc fœcunditatem dare

dare fidelibus ac piis *Psalm. 113. v. 9.* & abortum prohibere,
Esai. 65. v. 23: nunc à peste, (*Psalm. 91. v. 6:*) draconum
morsu (*Sapient. 16. v. 10.*) tumore pedum & lassitudine
(*Deuter. 8. v. 4.*) ipsâque morte, defendere, *Psalm. 170. v. 20.*
& vitam prolongare (*vid. b. l. §. 5.*): aliis verò morbos
variî generis, tanquam tela & spicula iræ suæ (*Job. 6. v. 4.*)
Tumores, Febres, Icterum, &c. (*Deuter. 28. v. 22.*) & de-
nique pestem, morborum morbum, Furiam nocentissi-
mam, morteque ipsâ atrociorum, immittere vel minari,
Deuter. l. d. v. 21. 2. Cbron. 22. v. 12. Et 2. 7. 13. Jerem. 14. v. 12. c.
21. v. 6. c. 27. v. 9. Et 13. c. 44. v. 13. Ezech. 5. v. 12. Et 17. c. 6.
v. 12. c. 7. v. 16. c. 14. v. 19. Et 21. c. 28. v. 23. c. 33. v. 27. c. 38. v.
22. Amos 4. v. 10. Et Habac. 4. v. 5.

§. II. Ceterum, *Quoad VIII*, Notissimum est illud
Syracidæ 38: Honora Medicum, quia DEUS creavit eum.

§. 12. *Quoad IX.* Expressè ac statim ibidem (v. 2.)
subjungitur: *Medicina à Domino venit; Regesque Medicum*
bonorant.

§. 13. *Quoad X;* referantur hue loca de Christo, ex
Mattæo tantum, initio Exercitationis præsentis allegata:
in quorum aliquibus dum Salvator dicitur hos, in aliis ali-
os, & alteribi omnes morbos per sanasse, (1.) *existimam-*
dum non est, quod nullus fortè Ægrotus in totâ regione re-
manserit; sed quod nullius æ gri, ad Christum allati, ac
Sanitatem ab ipso petentis, Morbus tamen pertinax gravisve
extiterit, qui nutibus Ejus cedere non fuerit coactus:
capiendumque hic totum negocium vel phrasin (omnis
*morbis) per eruditè Prücknerus (in Vindiciis) admonet non
de singulis generum, sed de generibus singulorum. (2.)
per vocem Ἰησοῦντον, Ἰησοῦντον, Ἰησοῦντον &c. in textibus
*alla-**

allatis occurrentem, non in specie intelligitur sanatio, quæ facta fuerit per medicamenta tantum, ut sic reliqua medendi auxilia, (Diæta videlicet & Chirurgia) sint excludenda; sed in genere medicatio qualiscunque, cuius diversi modi in sequentibus distinctim perpendentur.

§. 14. *Quoad XI: Christum Apostolis suis notanter potestatem dedisse, sanandi ægros, ex Matth. 10. v. 1. & 8. constat; super quem locum inferius pluscula addentur de Mose, Prophetis, Apostolis, & aliis Viris probis, Principibus item, & ipsis Angelis, vi divinæ Medicis.*

§. 15. *Quoad XII: cum ad rectam Diætam præter alia requiratur moderamen in Cibo & Potu, Somno & Vigiliis, Affectibus animi &c. (1.) modicum Ciborum apparatus, tanquam Naturæ humanæ convenientissimum, & procul à luxuriosâ varietate constitutum, adhibitum legimus Genes. 18. v. 6. 7. 8. Johann. 6. v. II. (2.) ac in Potu luxuriam vitandam, tanquam Æternitæ parentem, Apostolus serio admonet Epbes. 5. v. 18. confer Lucæ cap. 21. v. 34. (3) Per vigilias verò immodicas, curis secularibus contractas, Somnum averti, & vires corporis consumi, exstat Syracid. 31. v. 1. 2. (4.) immò per Mærorem ipsa Ossa exsiccati, vide Prov. 17. v. 22.*

§. 16. *Quoad XIII. Morte mortuus est Assa, quod ægrotans non quæsiverit DEUM, sed Medicos: 2. Chron. 16. v. 12.*

§. 17. *Ethæc sunt, quæ hucusque videbantur, pro declarando Ortu Medicinæ planè Divino non incommodè in medium afferri posse. Quibus posthabitisi qui tamen sunt (uti plurimi sunt) qui saluberrimæ Arti & Medicis, calumniosè ac ludicrè insultant, repetant, quod paulo
antè*

antè (§. II.) ex Siracid. 38. allatum est; & addant, quod in ejusdem capitil v. 4. statim annexitur: *Facit Dominus Medicinam germinare ex Terra; Et sapiens non contemnit eam.*

§. 18. Stultus itaque, immò calumniator longè pessimus est Henr: Cornelius Agrippa, qui, ut medicos fortè malos quospiam liberè castiget, totum Jātricum ordinem convitiis strinğıt gravissimis, & nunc Medicinam Homicidiorum Artem (lib. d. Vanit. scient. c. 82.) nunc Medicos, Homines omnium scelestissimos, discordantissimos, invidentissimos, mendacissimos, contagiosos, sordidissimosque (cap. 83.) nunc alio nomine aut epitheto ignominioso vocat. Cujus verò eximias laudes, ipsi suo libello jam-dicto præfixas, (quod bene sit) videamus:

Inter Divos nullos non carpit Momus:

Inter Heros monstra queque insectatur Hercules:

*Inter Damones Rex Erebi Pluto irascitur
omnibus Umbris:*

Inter Philosophos ridet omnia Democritus:

Contrà, deflet omnia Heraclitus:

Nescit queque Pyrrbias:

Et se scire putat omnia Aristoteles:

Contemnit cuncta Diogenes.

Nullis hic parcit AGRIPPA:

Contemnit, Scit, Nescit, Flet, Ridet, Irascitur,

Insectatur, Carpit omnia,

Ipse Philosophus, Daemon, Heros, DEUS, Et Omnia.

§. 19. Seorsim verò Medicorum veterum Principi Hippocrati, ab aliquibus, quod Templum Æsculapii malitiosè incenderit, objicitur. *Tbessalo Tralliano Superbia:*

eademque, sicut & contradicendi studium, Galeno impunitatur; Asclepiades & Averrbœs jactantiae arguuntur: Aristoteles ambitionis, ac, quod Medicinam profanaverit beneficio: Archigenes, Herophilus, Erasistratus, Vesalius, crudelitas & homicidii accusantur: Avicenna libidinis & Magiae; sicut magiae etiam Cardanus & Petrus Aponensis: Paracelsus ejusdem, & impietatis cuiuscunque alterius; superstitionis item, ac mendaciorum reus aestimatur; fuisseque quidam Tiberij Cæs. Medicus scribitur per quam bibulus: aliis medicis, veteris ac recentioris ævi, vitia alia, dicacitas puta, infiditia, inconstantia, astutia, furtum, imposturæ, invidia, avaritia, & nullum non aliud anomaliæ ac scelerum alphabetum, exprobrantur: sed paucissima horum Veritatis suffragio nituntur; quin potius mendaciter sunt efficta; pleraque verò ritè explicanda; & omnia denique, si distinctim examinari debeant, requirunt copiam temporis, quam nunc, majorem.

§. 20. Unde Clarissima Medicorum nomina à sibi illatis calumpniis distinctim vindicare, ad aliud tempus reservamus: nec quicquam etiam addere hic (prolixitatis fugâ) volumus de Medicis econtra maximo alteribi in honore habitis; de ortu divino Medicina juxta Veterum gentilium traditionem, ac diis Medicis; nihil de Incubatione in Fanis corundem, sanitatis recuperandæ ergo, aut Oraculis per vigilans somnium superstitione captis; cuiusmodi ritus perfectissima imitatio adhuc penes Pontificios habetur, ut ovinum ferè non sit ovo similius; sed quæ consuetudo ex præcepta consuetudine primitive Ecclesiæ Christianæ fluxit, quâ Ægri plurimi vel ipsi appropinquabant foribus templi, veleò portabantur, nec intromittebantur, ne valetudine

ne suā adversā aliis officerent: confer *Acto. 3. v. 2.* Nihil denique de ritu etiamnum familiari, & laudando quantumvis, agam, quo *in ipso Templo* passim *Vota* per os Sacerdotis *pro Ægrotantium Salute* ad DEUM fiunt; cui simile quid vide in *Epistolā Jacobi c. 5. v. 14.* quin hinc tandem abrumpendum, &, quas *Meditationes Jātricas Evangelicus* textus porrò nobis suppeditet, videndum.

EXERCITATIO V.

De Lunaticis: Matth. 4. v. 24. Et cap. 17. v. 15.

§. I.

EX omnibus illis ægris, quos à *Christo* sanatos, sub initium prægressæ Exercitationis ex *Mattæo* attulimus, primò jam nominantur σεληνιαζόμενοι, vel *Lunatici*. Quā occasione Modum quidem, quo illi curati fuerunt, hic non prosequemur, quandoquidem supra-humanus extitit, ac miraculosus; & hinc explicandus Theologis potius, quam Medicis, relinquitur: De modo afficiendi tamen, & quid propriè fuerit *Lunatica passio*, à quibus causis communiter oriatur, quibus signis cognoscatur, & quomodo ab aliis affectionibus præternaturalibus Corporis humani differat, maximè omnium tractare Medici est, quoniam hi directè de Morborum ac Symptomatum naturâ, subjecto, causis, signis, differentiis, & curatione (humanis viribus concessâ) agunt; multumque refert, voces & res Medicas in textu Biblico hinc inde occurrentes, ritè explicari, ne e. g. *Lunatici* pro furiosis, Paralytici pro Apoplecticis (ut falsò facit *Grotius*) aliis affectibus detenti pro aliis, vel causa Morborum una pro alterâ, vel Symptoma unum pro altero,

e. g. Paralysis Dolorosa famuli Centurionis Capernaitici
(quæ spuria erat, peculiaris, & indubie Scorbutica.)
pro paralysi verâ, communi, & doloris alias experte,
multaque alia pro rebus planè diversis habeantur.

§. 2. Ad *Lunaticos* itaq; Novi Testam. quod attinet,
quorum mentio fit *Mattb.* 4. v. 24. & *cap.* 17. v. 15. vel σεληνια-
ζομόρδις; nomen ii habent Δῆτης σελήνης, à Lunâ. Quæ sicuti
plurimum valet ad corpus humanum modò hâc, modò aliâ
ratione afficiendum; ita sigillatim quibus Cerebrum im-
becillus est, noxam ejus per intervalla quandoque haut
parum sentiunt, sive quod *Luna* peculiariter cum *Cerebro*
conspirat; sive verisimilius, quod eadem certo modo ac
tempore massam sanguineam commovens, occasionem
suppeditat, ut alterationem in illum introductam phæno-
mena etiam valetudini humanæ prorsus incongrua, in ce-
rebro ac Nervis, latice spirituoso, ab arteriis deciduo, irri-
guis sequuntur. Cujusmodi Tempora Cacodæmon, Na-
turæ citra dubium callentissimus, in Obsessis ad CHRI-
STUM allatis, fortassis occupavit, iisq; pessimè abutens,
miseros ἀνθρώπους periodicè affixit, DEO sic permit-
tente.

§. 3. Nam citra Diaboli malitiam quoque commu-
niter observamus, e.g. Vulneratos, Febricitantes quosdam,
Phrenitos, *Maniacos*, & præ his omnibus *Epilepticos*, jux-
ta distinctas *Luna* phases, vel ejusdem cum Sole aut aliis Pla-
netis conjunctiones modò atrocius, modò mitius corripi;
& ad malum hoc proclives esse, qui vel frequentius radiis
Lunaribus tacti dormiunt, vel sub Eclipsi Lunari, Interlu-
nio, aut Novilunio concepti sunt aut nati. Unde *Epilepsia*
tam recentioribus Medicis, Philotbeo Eliano Montalo (de
Morb.

Morb. Capitis, Tract. 17. Cap. i. pag. 674.) *Francisco Hildesheim* (de Morbis Cerebri, spicileg. 7. p. m. 553.) *Casp. Hofmanno* (lib. 3. Instit. Med. cap. 88. §. 1.) *Job: Jonstono* (in Ideâ Med. Pract.) *Thom. Bartholino* (Cent. 1. hist. Anat. 71.) ac aliis, quâm ex paulò Antiquioribus, *Tralliano*, *Q. Sereno*, *Cælio Aureliano*, &c. *Morbus Lunaris*, *Lunaticus*, *Interlunius*, aut aliis similis appellatur: acceptâ videl: Morbi appellatione non strictim, quatenus Causæ Morbificæ & Symptomati contradistinguuntur; sed latè, ob rationem, ex his verbis & suffragio *Hippocratis* (lib. d. Flatibus:) petendam: *Ne longè abeam, Fames morbus est.* *Quicquid enim Homini molestiam affert, Morbus appellatur.*

§. 4. Vel Diabolus etiam ipse malum intulit, humores Corporis ita turbando & concitando, ut ad suspendandum istum affectum determinarentur; uti non absurdè suspicatur *Casp. Schottus* lib. 4. Phys. Cur. cap. 10. §. 2. sicque *Lunatica passio* utique fuerit non merè ac purè naturalis; sed vel à Dæmone obsidente inventa, vel ab obsessuro priùs inventa. Unde *Helmontius* (capite, quod inscribitur, *Demens Idea*, §. 38.) Notandum, ait, *Lunaticum sanari non potuisse, nisi simulejecto spiritu immundo, sive hic comes fuerit astri nocturni, sive demum principalis effector.*

§. 5. Quicquid verò sit, in speciem Morbi tantum hic inquiramus. Ubi *Epilepsiam* notari, de quâ paulò antè (§. 3. h. 1.) egimus; vel, *Lunaticos*, à *Mattheo* dictos, *Epilepticos* fuisse, tūm Interpretes commodè admonent, tūm res ipsa suadet, si gravissimum illud Symptoma, in *Epilepticos* optimè quadrans, cuius *Evangelista* (c. 17. v. 15.) meminit, iteratum videlicet prolapsum in Ignem & Aquam, attendamus, & pleniorem imprimis locum *Marci*

(cap. 9. v. 18.) addere nobis liceat, ubi expressè quidem *Lunatismi*, aut *Lunatici* ullius mentio non sit; jactatio tamen Corporis vehemens, sputatio, stridor dentium, tanquam signa & symptomata Epilepticorum valdè propria (imprimis in suâ syndrome spectata) distinctim afferuntur; sicut idem etiam (excepto stridore dentium) apud *Lucam* cap. 9. v. 39. videre est.

§. 6. *Tremellius*, Paraphrasten Syrum (Mattb. 4. v. 24.) sequi volens, *Lunaticos* interpretatur, in numero singulari, *Filium Agrorum*, h. c. filium agrestem, notante Eximio *Fullero*, (lib. 2, *Miscell.*, sacr. c. 17.) cui verò interpretatione hæc non sine causâ displicet.

§. 7. At, quid si alii fortè *Lunaticos* illos per Maniacos interpretentur? cum Maniam quoque, vel Furiosorum raptus exasperari à Luna non minùs, quam Epilepsiam, constet jam à priscorum tempore, penes quos ob hanc ipsam causam *Luna*, sicut *Ceres* alioquin etiam & *Bacchus*, notante *Taubmanno* (ad Plauti Amphitr. pag. 67. a. 2.) *Nymphae* item (unde Lymphatici; vide *Vossij Etymologicum*) furoris *Præsides* credebantur. Ut sic non valdopere succensere habeamus *Beza*, quod (comm. ad Matth. 17. v. 15.) ab unâ parte Comitialem Morbum, seu Epilepsiam, ab alterâ verò etiam *Furorem*, interpretationis gratiâ subinfert.

§. 8. Quæ duo pathemata, præterquam quod ratione cause tam naturalis, (Lunæ) quam supra-naturalis, (Diaboli) antiquitus convenerunt; communiter quoque familiaritatem quandam habere videntur, ratione Symptomatum, quæ adhærent, Inquietudinis videlicet, Ingentis & validi roboris, ac Vigiliarum: in plusculis aliis tamen tanto magis discrepant.

§. 9.

§. 9. Nam (1.) *Maniaci* in eodem, quo male afficiuntur, loco proprio adium, habitaculi, campi, areae, &c. non permanent, aut manes istiusmodi suos à principio usque ad finem ibidem patiuntur; sed aliunde eundi habent vim, & ad loca urbis varia, prata, campos, deserta, &c. ludicrè excurrunt, ut compedibus, quām fieri potest, & catenis sint refrænandi: *Epileptici* in eodem loco, stantes aut sedentes, cadunt, eandemque tragœdiae suæ scenam servant. (2.) In *Maniacis* semper adest insignis ferocia & audacia; ipsique omnibus modis à consuetudine hominum abhorrent: *Epilepticis* perinde est, sive soli alii cubi sint, sive præsentes habeant mali sui spectatores; quos sic nec vident, nec cognoscunt, nec amant, aut reformidant. (3.) *Maniaci* absurdas & piùs loquuntur, & clamant turpiter: *Epileptici* plerumque tacent; vel, si quandoque vocem emittunt, incondita tamen ea est, gemebunda, neque sat articulata. (4.) singulare *Maniacis* hoc esse dicit *Helmontius* (l. antè d. §. 42.) ut nudi utcunque cubent humi, vel in marmore pernoctent, severissimo Boreæ flatu non glcientur, aut quoad artus emoriantur: *Epileptici* vestiti se non nudant: nec à frigore summo (ferente sic tempore) sunt illæsi: Quidam verò eorum, Autore *Hofmanno* (lib. 3. Inst. Med. c. 88. §. 3.) dicunt, se sentire strepitum aviculæ, per Cerebrum volantis. Denique (5.) modo-dictus *Helmontius* (§. 39.) testatur, Lunaticos, vel demoniace-*Maniacos*, à se observatos, post paroxysmum fuisse actorum omnium memores; & in paroxysmo tantum discursu mentis spoliatos, dum uni tantum conceptui, tanquam punto, affixi hæserint, quod intuerentur, tanquam in speculo, neque, dum facerent hoc, se hoc facere sci-

scirent: *Epileptici* contrà, judice citato *Hofmanno*, post paroxysmum nullius rei memores sunt.

§. 10. Ex quibus & similibus maxima utique inter *Maniam* & *Epilepsiam* differentia apparet. De quâ verò plura hic dicere nil attinet, imprimis quod de Signis & Symptomatibus *Epilepsie* seorsim libro 2. ad Marc. 9. v. 17. & de *Mania*, *Furore*, ac *Dæmoniacis*, ibidem ad Marc. 5. v. 2. 3. uberiùs agetur. Plusculaque tantisper de *Lunaticis* (quantumvis falsa quadanterus veris mixta) vide, si placet, apud *Vallesium*, Philos. Sacr. cap. 71. ad illud *Ecclesiastici*, cap. 27. v. 12: *fultus sicut Lunamutatur*.

EXERCITATIO VI.

De Paralyticis, Matth. 4. v. 24.

§. 1.

Paralyticorum aliquoties apud Evangelistas mentio fit: Pin adducto quidem loco *Mattbei* collectim, & sub solo morbi nomine, ubi de pluribus ægris agitur à CHRI-STO personatis: alibi verò seorsim, de certis quibusdam Individuis, ut videre est *Mattb.* 8. v. 6. seq. c. 9. v. 2. sequ. & *Lucæ* 5. v. 18. Atque apud eundem *Lucam* quidem, initio cap. 7. & *Iohannem* cap. 5. quoque exstat historia Paralyticis; sed sine mentione Morbi. Unde tām de his, quām reliquis distinctim suo tempore agetur.

§. 2. Interim quod præsentem locum *Mattbei* (cap. 4.) attinet, supersedere poteramus à Medicā ejus explicatione, nisi *Hugo Grotius*, in Annotationibus, ὁδολυπὸς vertisset *Sideratos*, sicq; ab Interpretibus reliquis omnibus

bus, quicunque in Latino Paralytici vocem servarunt, divertium aliquod fecisset. Quām bene, aut juxta modernum loquendi usum, mox liquefcet, postquam, quid *Paralysis*, quid etiam *Morbus sideratus* dicatur hodiē Medicis, & quanta inter utrumque affectum vel convenientia, vel differentia sit, breviter fuerit explicatum, haud anxiè attendendo, quod *Celsi* & *vo* utrumque $\omega\delta\alpha\lambda\upsilon\sigma\varsigma$ appellaretur; ut videre est lib. 3. c. 27: cum quo confer *Heurnium* d. *Morbis Capitis*, cap. 23. p. m. 258. b.

§. 3. *Paralysis* itaque Medicis Privationem Motū voluntarii in partibus corporis humani, ad motum aliās determinatis, nunc unā, nunc pluribus, denotat, ortam, ob influxum Spirituum animalium vel denegatum, vi-
tio nervorum, vel particulis heterogeneis & quasi Narcoticis, sensum etiam obtundentibus, infectum. Dicitur-
que $\omega\delta\alpha\lambda\upsilon\sigma\varsigma$, à λύω, solvo, vellaxo, quod robur Nervo-
rum ac Musculorum in eā affectis resolvatur; Nervorum
quidem ex vertebris Cervicis & partim Thoracis, prode-
uentium, si brachia & manus motu destituantur; ex verte-
bris lumborum autem, & ossis sacri, si pedes; ex Cere-
bro, si Larynx, Oculi, aut lingua.

§. 4. Per *Sideratum* verò *Morbum* intelligunt *Apo-plexiam*, affectum corporis humani atrocissimum, acutissimumque, talem nempe, quo videmus, actiones ani-
mæ animales omnes, h. e. Intellectum, Sensus, ac Motum,
exceptâ Respiratione. (quæ utcunque permanet, cum Stertore) subito à causis certis intercipi ac aboleri, Æ-
grumque, ad Ecstasim periculosam actum, instar Saxi
immobilis, trunci, vel victimæ ad Aram cæsæ, sine ullâ

rerum perceptione, procumbere, aut prout ad humum sterni solent, qui fulmine cœlitùs feriuntur.

§. 5. Quapropter *Sideratum* appellant. Veteres enim Fulgur deciduum, sidus esse arbitrabantur, quo tacti subitò prosternerentur & obmutescerent, juxta illud *Martialis* lib. 7. epigr. 91:

Hoc opus est, subito fias ut sidere mutus.

Vel ex Sideribus Ignes defluere; qui ferire aut lethaliter afflare solerent plantas ac animalia, tanquam fulmine; vide *Job. Wouwerium*, notis ad Petron. p. m. 338. Hinc *Sideratæ arbores*, sidere, h. e. Caniculâ, percussæ, præsertim Ficus ac Vites, ut habet *Plinius*, lib. 17. cap. 24. *Sideris* enim nomine Græci καὶ ἔξοχην Caniculam intelligunt, ut *Vossius* in Etymologico suo notat.

§. 6. Sicque *Apoplexia* alio nomine etiam *Morbus Attonitus* vocatur *Celso* lib. 3. cap. 26. vel *Affulguratio* aliis: quamvis tām Paralytici, quām Apolectici valdè etiam differant ab his, qui fulmine sunt tacti. In his enim Syncope ac cessatio pulsūs, cadaverosa facies, odor Sulfureus ac Nitrosus: in illis, præter Syncopes speciem fortè, reliqua non æquè semper percipiuntur.

§. 7. Sed imprimis *Paralysis* & *Apoplexia* differunt inter se, tām ratione partis, quām modi afficiendi. Unde nomina hodiē imprimis non sunt confundenda. *Ratione partis affectæ* enim in Paralysi non universum Corpus, sed aliqua, (nunc major, nunc minor) ejus por.ios in Apoplexiā verō totum corpus, afficitur: *Ratione modi*, in paroxysmis Apolecticis cessat cum motu Sensus: Paralysis fit ut plurimum cum stupore tantum partis, ita ut Se-satio-

satio non omnimodè tollatur. Immò Scorbuticorum paralysis frequenter cum acutissimo dolore conjungitur.

§. 8. Notissimum interim , & in confessò est, *Apoplexiā* s̄epissimè in *Paralysin* alterutrius lateris abire , tanquam in Symptoma minoris periculi, seorsim dein abolen-dum. Unde factum antiquitùs, ut Apoplexia habita fuerit pro universali quadam Paralyſi ; & Paralysis pro Apoplexiā particulari, Linguae videlicet, brachii, aut pedis, dicta proin etiam ἡμιπληγία, ὁρθοπληγία, vel ὁρθοπληξία.

§. 9. Hodie verò consultissimum videtur, nomina eo sensu accipere, quo Uſus, vocum magister, ea reb⁹ imposuit: & quemadmodum *Morbis sideratis* nomen ad *Apoplexiā*, ita *Paralysin* ad Resolutionem Nervosarum Partium particularem restringere: quia, si unicuiq; liceret, voces quaspiam, strictius acceptas, extendere ad sensum laxiorem, distinctione verbosā semper opus foret, aut certè tam *Morbis sideratus*, quam *Paralysis*, pro resolutione nunc universalis, (seu Apoplexiā) nunc particulari, seu Paralyſi, in specie & canonice sic dictā, indifferenter haberetur; Id quod Confusionem implicat. Quid itaque opus erat magni Grotij ingeniosā nimis paraphrasi, ut deflectens à communī viā Interpretum, voculæ τῶν ὁρθοπληξιῶν, Sideratorum substitueret appellationem?

EXERCITATIO VII.

De Sale fatuo, Matth. 5. v. 13. Luc. 14. v. 34.

§. 1.

Quantumvis *Salvator*, ut doceat, debere eos, qui veræ Sapientiæ præcepta hausissent, aliorum vitam laudabili

bili exemplo & doctrinā emendare, nec ipso met correctio-
ne indigere, similitudinem à Sale petat, ejusque abstensori-
am vim ac usum ad condiegos Cibos adhibeat loco sym-
boli, ad animam ab omni malitiā aut impuritate, tan-
quam putredine, vindicandam, si recte *Ipsum* velint con-
sequi: brevitatis studio tamen jam nihil de præstantissimo
iste Salus usu dicam, quod tractationem talismodi locus
quidam Evangelicus alias (*Marci* 9. v. 50. nimirum) ad
se rapiat, ut ex libro 2. hujus Opusculi patebit. Quin
breviter tantum hic, quid per *Infatuationem Salis* in præ-
sentibus versiculis *Mattæi* ac *Lucæ* intelligendum sit, ex-
aminandum venit.

§. 2. Utrobivis enim exstat: εὰν τὸ ἄλας μωρεύθῃ.
Hanc phrasin *Vulgata* versio sic reddit: si Sale vanuerit. Æ-
thiopica hunc in modum: si Sal puererit. Persica & Ara-
bica: Cum corruptus fuerit Sal. Sed Beza his omnibus
multò rectius, & ad literam propriius: si Sal infatuatus fue-
rit. Explicatque hanc suam paraphrasin hisce verbis: si
omni acrimonia deperditā, quā rescæteras solet adversus putre-
dinem condire, insipidus evaserit. Quā *Infatuationis* voculā
Job: *Wigandus* etiam utitur, in *Consideratione Method.*
& *Theolog. de Sale*, annexā *Historiæ de Succino Borussi-
co*, pag. 146. b. Quemadmodum, inquiens, sal infatuatum,
hoc est, non mordens, non purgans (intellige, non abstergens)
non vitam naturalem extimulans, nullius est, sed cum indi-
gnatione hominum projicitur foras, ut conculetur: sic ait Cbris-
tus &c.

§. 3. *Evanescens* sancē *Salis*, quam infert *Vulga-*
ta versio, vix hic locum invenit, quoniam vocula hæc

con-

consumptionem illius omnimodam, & translationem in-
autas vel aliorum, simpliciter involvit; & illud, quod
semel evanuit, quodq; in minima est resolutum, inpalpa-
bile amplius est, nec foras ejici, aut pedibus conculcari
potest. Ita enim in Textu sacro additur. *Matt. 5: Ad*
nibilum valet ultra, nisi ut mittatur foras, & conculceretur ab ho-
minibus. Ergò aliqua tantùm Qualitatum mutatio indi-
gitatur, & corruptela, juxta citatam paulò meliorem ea-
tenus versionem Persicam & Arabicam.

§. 4. Nec non *Putredo*, quam Æthiopica para-
phrasis inculcat, paulò longius à scopo abit. Si enim Sale est
illud famosissimum, quod putredini præ multis rebus aliis
resistat, quomodo ipsum fieri subjectum putredinis pote-
rit? Aut si dicás, posse intelligitale, quod minùs-depu-
ratum sit, & sordibus, putrilaginem suppeditantibus, ad-
huc scatens; ecquis tam rudis & pauperculus, qui idem
adhibeat cibis condendi? Expressè apud *Lucam* cap. 14.
v. 34. dicitur: *Sal bonum est, &c. ac intelligitur proin non*
quodvis, sed ita bonum, ut ad saliendos cibos jam aptum
factum sit. Si verò condimenti hoc genus facilè ipsum
putrilagini esset obnoxium, eandem, ut dixi, non tam
prohiberet, quam promoveret.

§. 5. Aut fortassis intelligendum erit *Sal*, sponte
in Aëre colligatum, (id quod creberrime accidit; imprimis
in cellis humidis,) ut præcipue alias facit Vitriolum, Sal
Tartari, aliaque multa; vel ipsius etiam culinaris Salis
magna copia, exigua portione succi raphani irrigata.
Verum hác ratione Sal sapore suo non privatur, aut ad
condiendos cibos ineptum fit; quandoquidem siccun-

etiam, ut tanto magis condiat, atque ad abditos poros carnium feratur, de industriâ persæpe in Aquâ calidâ dissolvitur, in muriam hoc pacto transit, & cibis in longam ætatem integrè servandis, utiliter miscetur: Vel sponte etiam in Aère liquatum, levi artificio, evaporatione videlicet humiditatis, ope Ignis, reduci potest ad Siccitatem pristinam, ut minimè opus sit, illud foras ejicere, tanquam inutile aut fatuum quid, ac pedibus conculcandum dare. Spontaneum Salis fixi liquorem quoque haberi in nobis, cum paulatinâ colliquatione simili partium conjunctam, exemplo Hydropis probabile reddere non dubitat *Andreas Tenzelius*, in Tract. germanico de Peste (cap. i. C. i. b.) cuius hæc in Latinum translata sunt verba: *De Hydrope quid aliud dicendum?* quæ certè ex naturâ a quosi sanguinis simpliciter non describenda, ideo, quod ægroti quidam plus aquæ dimiserunt, quamquod vel toti ipsorum molli corporeæ, vel cibo ac potui, toto decubitus tempore assuntis, & rebus sensibiliter excretis, respondere posset. Quin potius est fractum & liquefactum quoppam Sal, cui naturaliter alijs inbæret vera Mumia, Hominem ab omnilabe, putredine, & corruptelâ servans: idque non per se, sed ex harmoniâ peculiari Elementorum extraneorum, præcipueque cœli. Ex his jam antè dictum (fixum Hominis) Sal invisibili modo Aquam attrabit, viresque continuò acquirit in actu suo resolutionis non aliter, quam Terra Vitrioli, vel Marmor calcinatum, vel Rorella etiam, ac simus in campis, alliciunt aquam aëris: prout Benzo etiam in Commentario de Canariis, de Mirabili quadam arbore Insulæ Ferro scribit, ex foliis ejus continuo fluore tantum aquæ destillare, ut potu ejus omnes ejus regionis incole abundè satis-

bientur. Annon aquæ quedam, Chymico more ex Sale Vitriolis, & similibus destillatæ ejus indolis sunt, ut paucorum dierum spacio ex Aëre tantum augmenti recipiant, quantum ante à ipsis fuit effusione demptum? Id verò imprimis Naturæ Salinae deberi, ex hoc cognoscetis, quod omnia, quibus Sal mixtum est, quammaxime etiam priùs siccata, indefinenter tamen madent; nec minùs etiam Sal, etiam si hoc omni aquositate per distillationem privaveris, si libero aëri aliquandiu committatur, plusculum illius reddit, quia videlicet Aquam Aëris, ad redintegrationem Naturæ suæ prioris recepit. Eundem in modum itaque se res etiam de Sale in Hydrope habet. Quandiu illud subsistit sub archæitate Hominis, permanet irresolutum non minùs, quam extraneum illud Sal, sub Ignis regimine detentum. Quam primum verò labefactantur, sponuntur & extinguuntur spiritus Naturales, & tamen madoris plurimum corpori insuper accedit, (id quod non potu largiori solum, sed per peculiaria etiam Astra humida Macro- & Microcosmica efficitur,) in promptu ac è vestigio adest Diluvium ac Salis resolutio, & gradatim restitutio, ut totus homo colligescat quasi, & in Aquam vertatur.

§. 6. Sed his missis, Fatuitas Salis tandem verisimilimè in hoc consistit, ut Wigandi & Bezae supra citatorum judicio, a corem perdat; id quod sponte quidem rarissime accidit; fieri tamen posse, ex præsente Matthœi loco Clariß. D. Ol: Borrachius ostendit, (diss. d. Ort. & Progr. Chemiæ, pag. 82) experimenta superaddens, quibus Sal commune, quod vulgo censetur immutabile, in Terram insipidam, & viribus,

præ-

præterquam tenuiter stipticis, cassam redigi possit, obtusis certo artificio ejus aculeis, quò minus Linguam feriant. Saporum enim differentias à distinetis Salinarum particulari in figuris & situ, ad papillæ linguæ eminentias, delatis, modificari, non Borrichy tantum modò laudari, sed aliorum insuper Autorum, nominatim Laurentij Bellini, (d. gustus organo, cap. 5. 6. & 7 & Caroli Fracassati, Exerc. epistol. de Lingua, p. 189. 223.) hypothesis est; per quam Mercurius dulcis etiam, extemporaneæ acidorum quorundam liquorum edulcorationes, rerumq; planè corrosivarum alterationes, & conversiones quasi in aliam naturam, ac modi, quo talia se sistant Gustui, haut difficulter explicantur. Sed imprimis ingeniosissimum Renatum des Cartes, audiamus, lib. d. Homine, §. 14: ad differentias Saporum notandas, e. g. Salem, Aquam acidam, Communem, & Vitæ, afferentem his verbis: Rigidæ Salis particulæ agitatæ, & ab invicem Salivæ motu separatæ, Lingue poros punctim, & neutram inflexæ, ingreduntur. Acidæ vero aquæ particulæ in eosdem ex obliquo influunt, tenuissimas particulas incidendo: quæ tamen in crassiores impingentes, inflectuntur. Illæ vero, quibus aqua communis constat, nullas lingue partes incidentes, neque etiam altius in poros illabentes, mollier eam solummodo allambunt. Et denique Aquæ vitæ particulæ omnium altissimè penetrant, motuque celerrimo concitantur. Ex quibus manifestum est, quomodo Anima cæteras Saporum species percipiat. &c.

EXER-